



## **Scientia Sanctorum**

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

**Puente, Luis de la**

**Dilingæ, 1685**

27. De adultera.

---

[urn:nbn:de:hbz:466:1-60561](https://nbn-resolving.org/urn:nbn:de:hbz:466:1-60561)

quem cibum vos, inquit, nescitis. Nesciunt, qui conversimiliter non faciunt. Tandem venientes Samaritanos excepit benignè, & docuit, ut multi crederent, mansitque ibi biduo. Dicebant autem mulieri, non propter tuam loquelam credimus: ipsi enim audivimus, & scimus, quia hic est verè Salvator mundi. Tanta vis Christi sermonis, cum nullum fecisse miraculum dicatur.

## MEDITATIO XXVII.

De Adultera. Ioan. 8.

### PUNCTUM PRIMUM.

Pharisæi captant occasionem ex mansuetudine Christi tentandi ipsum, ut si adulteram faceret indemnem, prævaricator legis haberetur. Gratulabor, quod tam mitem habeam Salvatorem. Hæc est diaboli & ministrorum eius calliditas: ut qua virtute quis excellit, in ea laqueos tendant: si Zelosus, ad ultionem; si misericors, ad nimiam indulgentiam pertrahant. Imitandus Christus, de quo dicitur: Propter veritatem, & mansuetudinem, & justitiam deducet te mirabiliter dextera tua. Et, misericordia & veritas obviaverunt sibi; & justitia & pax osculata sunt.

Pharisæi  
tentant  
Christum.

Ps. 44<sup>o</sup>  
53.

Ps. 84 12

### PUNCTUM II.

Christus ad hæc, inclinans se, digito scribat in terra. 1. Id fecit, quasi declinans ju-

Christus  
negligit  
illos.

Y 2

di-

1.

*Luc. 12.* dicitum : ut cum aliàs dixit : *Quis me confituit Indicem, aut divisorem super vos?* Et quod  
*14.*  
*2. Tim.* Paulus : *Militans Deo non se implicat negotiis secularibus.* 2. Insinuat, in talibus non præcipiendum. Sic Deus : *Descendam & videbo opera complerunt,* de Sodomitis. 3. Indicat se esse, qui *digito suo scripsit legem in tabulis* 31. 18. *in terra scribentur,* ut Jeremias ait; ex quibus ipsi essent accusatores, dum perversa intentione id faciunt. 4. Credibile est scripsisse aliquid ad rem præsentem, ut quod de hypocrita dixit : *Trabem in oculo tuo non vides?* vel peccata accusantium, qui in accusationem intenti, non animadvertebant ad scripturam.

## PUNCTUM III.

**C**UM perseverarent interrogantes, erexit se & dixit eis. *Qui sine peccato est vestrum, primus in illam lapidem mittat.* 1. Sapientia miratur ut neque contra legem statuat, neque miseram condemnet. Sic aliàs, exhibitio numismate : dixit : *Reddite, quæ sunt Cesaris, Cesari : quæ Dei, Deo.* Petam solertiam adversus Diaboli astutias. 2. Fecit, ut sua illis peccata repræsentarentur, urgente conscientia, ad confusionem, ut desisterent ab accusatione. 3. Se rursus inclinavit, ad scribendum, quasi jam satis audissent, quod revolverent, & eos ad propriam remittens conscientiam. *At illi audientes, unus post unum exhibant, incipientes à senioribus.* Nempe

1.  
 Prudentia includendo.

2.  
 3.  
 Conscientiæ tormentum.

Nempe à propria conscientia redarguti, nec tamen resipiscentes. Contra agendum, ut agnito peccato, accurramus ad Christum pro venia, non subducamus nos, in eo persistentes. Venerant conjunctim accusantes, nunc unus post unum abit, quisque de propriis confusus criminibus, primi seniores, uti peiores. Quanta in extremo judicio futura est confusio! & à socijs peccati, quod solamen.

## PUNCTUM IV.

Illis profectis, erigit se iterum, prius, ut malos justè confunderet, jam, ut pœnitentem misericorditer liberet; ab illis se rursus avertit; hanc in pace dimittit utrumque crectus facit, quia secundum rectitudinem judicij stabat. Mulier compuncta de peccato, & accusatoribus d gressis, expectat Christi sententiam, quæ talis fuit. Ut si quidem nemo illorum contra eam pronuntiaverat, nec ipse condemnaturus esset; qui venerat, non judicare, sed salvare: & dicendo. *Vade in pace*: quia verbum Dei efficax est, ab omni pœna liberam fecit, etiam æterna. *Christus iustificat, quis est, qui condem-* Rom. 8.  
*net?* Insuper monuit: *Noli amplius peccare, &* 33.  
verisimile est gratiam ei datam, ne recideret in talia, ut & quod accusatores nihil deinceps in eam tentaverint.

Ne fuge,  
sed accede ad  
Christum.

Secundo  
se erigit  
& adul-  
teram  
respicit;

Y ;

ME-